

Loron ruma tuir mai, mestra Victoria Soto, mestra foin-sa'e ida ne'ebé hanorin iha eskola "Sandy Hook" tinan 5 ona, foin iha aula laran hamutuk ho labarik 16, bainhira nia rona tiru iha liur. Iha aula ne'ebá iha armariu ruma boot, nune'e mestre subar labarik sira iha armariu laran. Bainhira mane ho pistola tama iha aula laran, nia dehan katak la iha labarik sira tanba sira ba tuir desporto iha kampu. Mane ne'e, laran nakali kedas, tiru ba Victoria, hodi oho nia, no halai... maibé Victoria nia labarik sira hotu moris!

Ita agradece Na'i katak iha Timor, iha momentu ida ne'e, ita la hasoru akontesimentu violénsia nian hanesan ida ne'ebé foin lee.

Maibé, nu'udar animadór/a, ha'u pruntu atu liu husi terus no... mate, se presiza, atu ema seluk bele hetan moris?

Ha'u-nia empeñu

Iha surat ba sarani sira ne'ebé hela iha Filipe, S. Paulo hakerek hinu ida ne'ebé konvida sira atu banati tuir Jezús nia ezemplu; Kreda reza hinu ida ne'e durante Vespra sira sabadu sabadu. Ita bele medita liafuan hirak ne'e, no mós halo sira sai ita-nia orasaun ne'ebé bele reza loron-loron iha Semana Santa.

⁵Buat ne'ebé ema haree iha Kristu, halo ema haree mos iha imi:
⁶maski Nia Maromak lo-los, Nia la hanoín nia an nudar Maromak, maibé nia haraik an, ⁷hodi sai atan ida no halo an nu'udar ema; ema sira haree duni Nia nu'udar ema.
⁸Nia haraik An hodi halo tuir to'o mate, mate iha krus.
⁹Tan ne'e, Maromak foti Nia hodi fó ba Nia naran ida ne'ebé boot liu naran sira hotu,
¹⁰atu nune'e, ba Jezús nia naran, aintur sira hotu hakne'ak, iha lalehan, iha rai, iha mate sira leet,
¹¹no nanál tomak haklaken katak Kristu Jezús mak Na'i, ba Aman Maromak nia gloria.



FORMASAUN ANIMADÓR SIRA ORATÓRIU NIAN (2)

HA'U FIAR JEZÚS TERUS TO'O MATE

Iha enkontru ida ne'e, Katekizmu Youcat sei tulun ita atu komprende mistériu kona-ba Jezús nia terus no mate. Liuhusi pergunta sira ne'ebé foin-sa'e ruma hato'o, ho resposta husi Katekizmu Kreda Katolika nian no reflesaun badak bele tulun ita atu tama kle'an liután iha selebrasaun loron hirak ne'e nian.



Tansá Jezús hili ba ninia mate no moris hi'as data ne'ebé hebreu sira selebra sira-nia Paskua?

Jezús hili data bainhira ninia povu selebra festa Paskua nian nu'udar simbolu ba akontesimentu ninia mate no moris hi'as nian. Hanesan Maromak liberta povu Israel husi kondisaun atan nian iha Ejiptu, nune'e kristu sei liberta ita husi kondisaun atan nian ne'ebé ita hetan iha sala no iha mate. (KKK 571-573)

Festa Paskua nian mak importante liu ba hebreu sira tanba sira selebra bainhira sira sai husi Ejiptu. Jezús hakarak ba Jerusalem iha tempu ne'ebá atu liberta ita ho r odun radikál. Nia selebra han kalan Paskua nian ho ninia eskola nte sira: durante selebrasaun ida ne'e nia hola fatin "bibí oan sakri'ísiu nian" hodi rekonsilia ba nafatin Maromak ho ema sira.



Tansá ema hedi ba Kruz ema hakmatek ida no damen nian hanesan Jezús?

Ho ninia bahalok, Jezús halo ema ne'ebé hasoru Nia husu ba sira-nia an rasik: Jezús serbisu ho Maromak nia kbiit, ka Nia bosokten ida, ema ne'ebé ko'alia aat hasoru Maromak no Lei, nune'e tenke fó kastigu ba Nia? (KKK 574-576)

Jezús sadik hebreu "tradicionalista" sira (fariseu, eskriba...): Nia kasu sala, buat ruma ne'ebé Maromak de'it bele halo; la fó importánsia boot ba loron sabadu, tan ne'e ema hanoín katak Nia ko'alia aat hasoru Maromak, balun dehan katak Nia mak profeta falsu. Buat hirak ne'e, iha hebreu sira nia Lei, soi atu fó kastigu todan ba ema ida, to'o mate.



Maromak hakarak nia Oan Mane mesak nia mate? Maromak hakarak nia Oan Mane mesak nia mate?

Jezús mate iha Kruz, la'ós tanba buat ruma la'o la loos. Atu ita, ne'ebé moris iha sala no mate laran, bele hetan moris, Aman Maromak halo Jezús, ne'ebé la hatene sala ida, sai sala. Nia husu sakrifisiu boot ida ba Jezús, no maski Jezús sente ta'uk, nia ba oin iha Maromak nia planu. Aman no Oan hatudu domin ne'ebé to'o kruz. (KKK 599-609.620)

Atu soi ita husi mate, Maromak hili "misaun" ida ho perigu boot: Aman no Oan hamutuk mak prontu atu hasoru mate tan domin ba ema sira; Maromak hanoin atu "troka" ita ho Jezús, atu soi ita ba nafatin.

Nia hakarak haraik mai ita moris rohan laek, atu ita bele koko ninia ksolok no Nia bele koko ita-nia mate, ita-nia solidaun, ita-nia lakon esperansa



Iha toos Oliveira, tebes Jezús ta'uk mate?

Tanba Jezús mane loos, iha toos Oliveira nia sente ta'uk duni hodi hanoin katak Nia besik atu mate (KKK 612)

Ho kbiit umanu hanesan ita-nian, Jezús tenke hafunu an atu bele hatán ho laran no neon tomak ba Maromak nia planu. Iha momentu ne'ebé susar liu, bainhira ema hotu halai husi Nia, liuliu ninia eskolante sira, Jezús simu Maromak nia hakaran (Kf Mt 26,42)



Tansa Jezús tenke soi ami liu husi Kruz?

Kruz mak kastigu ne'ebé aat liu, iha ne'ebé ema halo experiénsia kona-ba hanehan an no mesak. Jezús, ita-nia Maksoin, hili ho liberdade atu simu kruz hodi lori mundu nia sala no nia terus. Nune'e Nia rekonsilia mudu ho Maromak ho domin perfeitu. (KKK 613-617. 622-623)

Hodi saran nia Oan Mane mesak atu mate iha kruz, Maromak hatudu mai ita ninia domin boot. Iha tempu ne'ebá kruz mak kastigu ne'ebé aat liu atu hatun ema nia dignidade, tan ne'e, sidadaun romanu sira la bele simu kastigu ida ne'e, maski nia sala boot. Hodi mate iha kruz, Maromak esperimenta ema nia terus kle'an liu, no husi momentu ida ne'ebá, la iha ema ida ne'ebé bele dehan "Maromak la hatene ha'u-nia terus!"



Tansa ita tenke simu terus iha ita-nia moris, tansá ita tenke foti kruz no tuir

Sarani sira la buka terus, maibé bainhira sira hetan terus, sira bele hili atu fahe Jezús nia terus, liuhusi terus ida ne'e, hanesan S. Pedro hakerek iha ninia surat dahuluk. (KKK 618)

Jezús hateten dala barak katak sira ne'ebé hakarak tuir Nia, tenke simu sira-nia kruz. Sarani sira iha obrigasaun atu fô kmaan ba terus iha mundu tomak, maski terus sei iha nafatin. Hodi simu ho fiar ita-nia terus, hodi fahe ema seluk nian, ita-nia terus sai ida de'it ho Jezús nia domin maksoin no ita sei hola parte ba kbiit Maromak nian ne'ebé nakfilak mundu.

Molok fahe ita-nia "resposta" ba pergunta sira ne'e, ita bele ba lee pasajen bibliku ruma, ne'ebé sei tulun ita atu komprende Jezús nia hilin no oinsá sarani dahuluk nian interpreta Ninia halalok.

- | | |
|------------------------|------------|
| * Mt 26,42 | * Act 2,23 |
| * Mk 8,31; 10, 32-33 | * 1Kor 5,7 |
| * Lk 2, 34b; 22, 14-16 | * 1Pt 2,21 |
| * Jo 12,27 | |

Iha assembleia ema ida-idak ka grupu ida-idak fahe buat ne'ebé nia deskobre kona-ba Jezús nia terus no mate: akontesimentu ida ne'e mak importante iha ha'u-nia moris?

ISTÓRIA IDA



Oras ne'e, ema kontinua tuir jezús nia ain fatin hodi liu husi terus no mate atu ema seluk bele hetan moris. Istória ne'ebé tuir mai akontese fulan ruma liu ba iha Estados Unidos.

Diretora Eskola primaria "Sandy Hook" iha Newton, Connecticut, iha semana ne'ebá nia laran, komunika ba familia sira katak eskola sei xave odamatan sira tuku 9.30 to'o loraik tuku 4, tanba akontesimentu barak violénsia nian mosu iha rai ne'ebá, nune'e, atu proteje labarik sira, di'ak liu taka.